



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

27 հունիսի 2024 թվականի N 998 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2022 ԹՎԱ-
ԿԱՆԻ ՀՈՒԼԻՍԻ 28-Ի N 1180-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածների դրույթներով՝ Հայաստանի Հանրապետության կառավարու-
թյունը **ո ր ո շ ու մ է.**

1. Հայաստանի Հանրապետության կառավարության 2022 թվականի հուլիսի 28-ի «Անձի ֆունկցիոնալության գնահատման կարգը հաստատելու մասին» N 1180-Ն որոշման (այսուհետ՝ որոշում) մեջ կատարել հետևյալ լրացումները և փոփոխությունները՝

1) որոշման հավելվածի 7-րդ կետի N 1 աղյուսակը շարադրել հետևյալ խմբագրությամբ.

«Աղյուսակ N 1. Օրգանիզմի ֆունկցիաները և մարմնի կառուցվածքը, անձի գործունեությունը և մասնակցությունը գնահատող մասնագետներ

Օրգանիզմի ֆունկցիաները և մարմնի կառուցվածքը գնահատող մասնագետներ		Անձի գործունեությունը և մասնակցությունը գնահատող մասնագետներ
1. Օրթոպեդ	22. Մանկաբույժ	1. Հոգեբան
2. Վնասվածքաբան	23. Մանկական օրթոպեդ- վնասվածքաբան	2. Կինեզոլոգ
3. Ակնաբույժ	24. Մանկական ակնաբույժ	3. Էրգոթերապիստ
4. Սրտաբան	25. Մանկական սրտաբան	4. Լոգոպեդ
5. Քիթ-կոկորդ-ականջաբան	26. Մանկական նյարդաբան	5. Տիֆլոմանկավարժ
6. Նյարդավիրաբույժ	27. Մանկական քիթ- կոկորդ- ականջաբան	6. Սուրդոմանկավարժ
7. Հոգեբույժ	28. Մանկական նյարդավիրաբույժ	7. Օլիգոֆրենոմանկավարժ
8. Էնդոկրինոլոգ	29. Մանկական հոգեբույժ	8. Սոցիալական մանկավարժ
9. Վիրաբույժ	30. Մանկական ներզատաբան	9. Մանկական հոգեբան
10. Նյարդաբան	31. Մանկական վիրաբույժ	10. Հատուկ մանկավարժ
11. Թերապևտ		11. Վերականգնողաբան
12. Արյունաբան		12. Մանկական վերականգնողաբան
13. Աղետամոքսաբան		13. Ֆիզիոթերապևտ
14. Նեֆրոլոգ/երիկամաբան		
15. Ուռուցքաբան		
16. Մաշկաբան		
17. Ռևմատոլոգ		
18. Ուռուլոգ		
19. Թոքաբան		
20. Ֆտիզիատր		
21. Ընտանեկան բժիշկ		

».

2) որոշման հավելվածի 14-րդ կետի 2-րդ ենթակետում «:» կետադրական նշանը փոխարինել «.» կետադրական նշանով և կետը լրացնել հետևյալ բովանդակությամբ՝ սոր՝ 3-րդ և 4-րդ ենթակետերով.

«3) անժամկետ հաշմանդամություն ունեցող անձանց կողմից իրենց ցանկությամբ դիմելու դեպքում.

4) ծառայությունների անհատական ծրագիր կազմելու դեպքում, եթե հաշմանդամություն ունեցող անձն այն երբևէ չի ստացել:».

3) որոշման հավելվածի 15-րդ կետի 2-րդ ենթակետը «բողոքարկելու» բառից հետո լրացնել «կամ ծառայությունների անհատական ծրագրում փոփոխություն (լրացում) կատարելու» բառերով, իսկ 3-րդ ենթակետը «հայտնաբերվելու» բառից հետո լրացնել «կամ ծառայությունների անհատական ծրագրում ներառված միջոցառումների վերանայման» բառերով.

4) որոշման հավելվածի 30-րդ կետը շարադրել հետևյալ խմբագրությամբ.

«30. Անձի ֆունկցիոնալության գնահատման համար դիմումը կարող է ներկայացվել առցանց կամ առձեռն ծառայության ցանկացած տարածքային կենտրոն:».

5) որոշման հավելվածի 32-րդ կետը շարադրել հետևյալ խմբագրությամբ.

«32. Ծառայության տարածքային կենտրոնը դիմումը և էլեկտրոնային համակարգում բացակայող փաստաթղթերն առձեռն ստանալու դեպքում՝ այն մուտքագրում է էլեկտրոնային համակարգ ներկայացնելու պահին: Եթե դիմումատուն չի ներկայացրել ինքնագնահատման հարցաշարը, ապա առձեռն ստանալու դեպքում դիմումը ներկայացնելու պահին դիմումատուի հետ համատեղ այն մուտքագրում է էլեկտրոնային համակարգ:».

6) որոշման հավելվածի 32.1-ին կետն ուժը կորցրած ճանաչել.

7) որոշման հավելվածի 42-րդ կետից հանել «տասնվեց նիշանոց» բառերը.

8) որոշման հավելվածի 50.2-րդ կետում «առցանց, փոստով, էլեկտրոնային փոստով կամ առձեռն ծառայություն կամ» բառերը փոխարինել «առցանց կամ առձեռն» բառերով, նույն կետի 5-րդ ենթակետում «:» կետադրական նշանը փոխարինել «.» կետադրական նշանով և կետը լրացնել հետևյալ բովանդակությամբ նոր՝ 6-րդ ենթակետով.

«6) մահվան մասին բժշկական վկայական:».

9) որոշման հավելվածի 75-րդ կետի 2-րդ ենթակետում «:» կետադրական նշանը փոխարինել «.» կետադրական նշանով և կետը լրացնել հետևյալ բովանդակությամբ նոր՝ 3-րդ ենթակետով.

«3) դիմելու պահին մետաստազների առկայությամբ:».

10) որոշման հավելվածի 76-րդ կետի 5-րդ ենթակետը շարադրել հետևյալ խմբագրությամբ.

«5) արհեստական կայուն բացվածքների առկայություն (Z93).» .

11) որոշման հավելվածի 76-րդ կետի 6-րդ ենթակետում «:» կետադրական նշանը փոխարինել «.» կետադրական նշանով և կետը լրացնել հետևյալ բովանդակությամբ նոր՝ 7-րդ ենթակետով.

«7) կոկորդի բացակայություն Z90.0:»:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան